



Prevensaun no Kombate ba **ASÉDIU SEKSUAL**



Manuál ba **ESTABELESIMENTU ENSINU SUPERIOR**



2024

**Manual ida-ne'e dezenvolve iha ámbitu
Hamutuk ba Igualdade: Prevene no Responde ba Violensia
Bazeia ba Jéneru (T4E), implementa hosi UN Women no
realiza ho apoiu jenerozu hosi KOICA**

Manuál ida-ne'e dezenvolve hosi
JU,S Jurídico Social (www.jus.tl)

Informasaun iha Manuál ida-ne'e la reflète pozisaun formál hosi Ministériu Ensinu
Superiór, Siénsia no Kultura, no iha objetivu atu fó asesu ba informasaun ho
maneira ne'ebé pedagójiku.



ÍNDISE



1

OBJETIVU

Página 3

2

ENSINU SUPERIÓR NO ASÉDIU SEKSUÁL

Página 4

3

PRINSÍPIU XÁVE NO BASE LEGÁL

Página 5 - 6

4

DEFINISAUN ASÉDIU SEKSUÁL

Página 7 - 13

5

PREVENSAUN NO KOMBATE ASÉDIU SEKSUÁL

PADRAUN KUALIDADE IDEÁL Página 14 - 25

6

NATUREZA RESPONSABILIZASAUN

Página 26 - 29

7

PROSESU DIXIPLINÁR

Página 30 - 36

8


MITU VS FAKTU

Página 37 - 38

Aneksu: Diretiva sira kona-ba Prevensaun no Kombate Asédiu Seksuál iha Komunitade Akadémika (Despaxu Ministeriál nú. 39/XI/MESCC/2024,6 novembru 2024)

1

OBJETIVU MANUÁL



MANUÁL IDA-NE'E ...

- Sai nu'udar instrumentu prátiku hodi kontribui ba implementasaun Direktiva sira kona-ba Prevensaun no Kombate Asédiu Seksuál iha Komunitade Akadémika
- Identifika, tuir prátika di'ak, prinsipál asaun ne'ebé Estabelesimentu Ensinu Superiór (EES) presiza foti atu prevene no kombate asédiu seksuál ho efetivu iha komunitade akadémika nian
- Promove haforsa kapasidade institusionál atu haforma instrumentu formál internál hodi hatán ho efetivu ba problemátika asédiu seksuál no violénsia bazeia ba jéneru
- Fó asesu ba informasaun kona-ba tipu responsabilizasaun relevante husi perspetiva dixiplinár no krimínál

Diretiva sira kona-ba Prevensaun no Kombate Asédiu Seksuál iha Komunitade Akadémika

Despaxu Ministeriál nú. 39/XI/MESCC/2024, 6 novembru 2024



GRUPU ALVU KA UZUÁRIU

EES **Públiku** no **Privadu** ho Lisensa Operasionál ka Akreditasaun

- Reitoria ka Prezidénsia
- Pró-Reitór ka responsavel ba Estudante
- Dekanu/a Fakuldade ka Diretór/a Departamentu
- Jestór seluk
- Senadu Estudantil




Manuál ida-ne'e atu serbí nu'udar instrumentu apoiu ba EES hodi komprende liután kestaun asédiu seksuál tuir Direktivas MESSK nian. Manuál ne'e la substitui apoiu ka pareser espesializadu relevante


2 ENSINU SUPERIÓR NO ASÉDIU SEKSUÁL



VIOLÉNSIA BAZEIA BA JÉNERU IHA TIMOR-LESTE



1 iha kada 5 joven feto (otas 15-24) sai ona vítima violénsia seksuál




34.2% feto (otas 15-49) hetan ona violénsia fízika ka seksuál



77% feto vítima violénsia fízika/seksuál NUNKA buka apoiu ka konta sai nia sofre violénsia

61%

Mane hanoin katak ninia fe'en ka parseiru labele rejeita bainhira nia hakarak halo relasaun seksuál



17 hosi 18 kazu asédiu seksuál rejista iha Komisaun Funsaun Públika FETO mak vítima

ASÉDIU SEKSUÁL IHA ENSINU SUPERIÓR

The collage includes several news items:

- Top Left:** A newspaper headline: "Estudante ida keixa Dosente ne'ebé 'in-lulik'". Below it, a photo of a man speaking at a podium.
- Bottom Left:** A news article titled "Kazu Asédiu Sexual, Reitor UNPAZ Husu Deskulpa Família & Públiku".
- Center:** A news article titled "Deskonfia Dosente Ida halo Asedu Seksual ho Nia Estudante Iha Karetá Iaran".
- Top Right:** A news article titled "'Bimbing iha Karetá', Podér Mikrofízika no Asédiu Seksuál iha Kampuz".
- Bottom Right:** A social media post titled "Atu Prevene Asédiu Sexual Iha UNTL, Estudante Labele Tauk Hato'o Keixa Bainhira Hetan Ameasa Husi Dosente".

3

PRINSÍPIU XÁVE



Transparénsia

Prioridade
prevensaun

Respeitu direitu
umanu

"DI'AK LIU PREVENE, DUKÉ KURA"

Foti asaun prevensaun hanesan efetivu liu duké halo prosesu atu responsabiliza infratór. Prevensaun mós hanesan estratéjia permanente, ne'ebé di'ak liu sai parte hosi atividade regulár EES nian.

RESPEITU DIREITU FUNDAMENTÁL NO UMANU

- Respeitu ba igualdade no diskriminasaun-la'ek
- Igualdade entre fetu no mane
- Respeitu integridade fíziku, psikolójiku no privasidade ema nian
- Rekoñese ema nia direitu atu halo keixa ka reklamasaun hanesan parte hosi direitu petisaun

TRANSPARÉNSIA NO OBJETIVIDADE

Transparénsia importante lo'os haree ba EES nia prosedimentu tanba, tuir dadus atuál, alegasaun asédiu seksuál barak akontese bainhira relasiona ho avaliaun estudante no mós rekrutamentu dosente ka funsionáriu.

Transparénsia refere ho determinasaun kritériu hodi foti desizaun no asesu públiku ba kritériu sira ne'e. Bainhira iha transparénsia bele hakbi'it ema hotuhotu atu komprende desizaun ne'ebé halo no mós atu hametin konfiansa hosi comunidade akadémika ba prosesu sira hotu halo hosi EES, inklui simu keixa ka denúnsia no halo prosesu dixiplinár

Diretiva 4 hosi Despaxu Ministeriál nú. 39/XI/MESCC/2024,

6 novembru



3 BÁZE LEGÁL

EES sira hotu - públiku no privadu - iha **devér legál** atu foti asaun hodi prevene asédiu seksuál no promove responsabilizasaun bainhira iha alegasaun asédiu seksuál.

Báze Legal Prinsipál kona-ba Asédiu Seksuál	EES PÚBLIKU	EES PRIVADU
<ul style="list-style-type: none"> Estatuto da Função Pública (Lei nú. 6/2009, 15 jullu) 	✓	✗
<ul style="list-style-type: none"> Orientasaun Komisaun Funsau Públika nian nú. 12/2017, 9 agostu (Prevenção e combate ao assédio sexual na Função Pública) 	✓	✗
<ul style="list-style-type: none"> Lei do Trabalho (Lei nú. 4/2012, 21 febreiru) 	✗	✓
<ul style="list-style-type: none"> Diretiva sira kona-ba Prevensaun no Kombate Asédiu Seksuál iha Komunitade Akadémika (Despaxu Ministeriál nú. 39/XI/MESCC/2024, 6 novembru) (Diretiva MESSKK) 	✓	✓
<ul style="list-style-type: none"> Kódigu Penál no Prosesu Penál bainhira mós krime 	✓	✓



Kestaun balun spesífiku kona-ba báze legál

- EES sira iha kompeténsia (ka podér) atu aprova sira-nia regulamentu internál rasik tuir artigu 48, nú. 3 Rejime Jurídiku Estabelesimentu Ensinu Superiór, maibé regulamentu internál sira, haree ba kestaun asédiu seksuál, labele viola lejislasaun no instrumentu a'as liu ne'ebé identifika iha leten
- Atu halo dixiplina ba estudante, EES prezisa aprova regulamentu internál, haree katak lejislasaun sira foka ba determina devér hosi dosente, funsionáriu no sira ne'ebé okupa órgaun administrasaun no jestaun nian, no EES tenke define devér hosi estudante

4

DEFINISAUN ASÉDIU SEKSUÁL



TUIR DESPAXU MINISTERIÁL NÚ. 39/XI/MESCC/2024, 6 NOVEMBRU

Asédiu seksuál hahalok ka konduta saida de'it ho natureza seksuál ne'ebé halo laho ema nia hakarak rasik ka vontade atu simu ne'ebé mak:

- a) Bele fíziku, orál, hakerek, jestual ka vizuál;
- b) Afeta ka impaktu dignidade vítima; ka
- c) Konsidera ofensivu; ka
- d) Kria ambiente estudu, peskiza ka servisu ida ne'ebé hata'uk, neon-aat ka abuzivu

Asédiu seksuál bele akontese:



- iha facilidade ka kampus EES




- iha tempu atividade akadémika (la haree ba fatin)
- iha tempu atividade sosiál promove hosi EES (la haree ba fatin)

Bele mós akontese online no bainhira alegadu infratór aproveita ka uza ninia pozisaun, funsaun ka facilidade ruma fasilita hosi EES


Definisaun: Diretiva 7 hosi Despaxu Ministeriál nú. 39/XI/MESCC/2024, 6 novembru




Asédiu Seksuál iha Komunitade Akadémika bele akontese entre



dosente/funionáriu ba dosente/funionáriu seluk



dosente/funionáriu ba estudante



entre estudante sira

Definisaun: Diretiva 6 hosi Despaxu Ministeriál nú. 39/XI/MESCC/2024,



6 novembru



SÉ MAK HOLA PARTE BA KOMUNIDADE AKADÉMIKA?

Komunitade Akadémika refere ba dirigente no lideransa EES, dosente sira hotu (permanente, temporáriu, konvidadu), peskizadór sira, funsionáriu sira hotu no mós estudante hotu



ELEMENTU HOSI ASÉDIU SEKSUÁL

Hodi bele komprova katak asédiu seksuál akontese, presiza haree karik iha elementu 3 hotu:

- (1) Asaun ho natureza seksuál
- (2) Forma (liuhosi laho ema nia hakarak ka vontade atu simu)
- (3) Impaktu negativu ba vítima ka ambiente estudu, peskiza ka serbisu



1 Bele fíziku, oral, hakerek, jestuál ka vizuál. Inklui ezijénsia seksuál, hatudu parte isin-lolon, kaer parte-isin lolon vítima nian, haruka mensajen, hatudu vídeu, hako'ak no rei, ko'alia kona-ba moris seksuál

2 "La hó hakarak" refere ba falta konsentimentu livre, espresu no bazeia ba koñesimentu (ka esklaresidu) hosi ema ida ne'ebé iha kapasidade atu fó konsentimentu.

3 Asédiu seksuál la konsidera se infratór halo ho intensaun ka la'e, maibé fokus mak ba impaktu ba iha vítima. Asédiu Seksuál iha bainhira vítima sente la konfortável, hatún ninia dignidade ka sente ta'uk ka sente estrés.




Definisaun: Diretiva 5 hosi Despaxu Ministeriál nú. 39/XI/MESCC/2024,

6 novembru



ASAUN

Kualkér asaun ho natureza seksuál - la presiza iha kontaktu fíziku

		
FÍZIKU	VERBÁL, ORÁL ka HAKEREK	VIZUÁL KA JESTUÁL

Ezemplu

- Kose isin-lolon kona ema seluk nia isin-lolon
- Hatudu ka haruka pornografia ka figura seksuál
- Halo lian re'i nian ka hafuik
- Haruka mensajen ho konteúdu seksuál



FORMA

Diretiva 5 hosi Despaxu Ministeriál
nú. 39/XI/MESCC/2024, 6 novembru








FORMA – la iha konsentimentu -
signifika hahalok natureza seksuál
la'ós ho vítima nia hakarak atu
simu







**La presiza iha forsa, obriga ka
ameasa atu sai asédiu seksuál**





KONSENTIMENTU TENKE LIVRE DUNI

-  Hakarak ho loos duni atu halo atividade seksuál (vontade no autonomia)
-  “hakarak buat seluk”, maibé “pasiénsia, ha’u tenke halo atividade seksuál atu hetan saida mak ha’u hakarak” = la iha konsentimentu
-  Presaun ka insiste beibeik = la iha konsentimentu
-  “la iha opsaun seluk” = la iha konsentimentu
-  “ha’u ta’uk se hateten la’e” = la iha konsentimentu

KONSENTIMENTU TENKE ESKLARESIDU

-  Tenke iha oportunidade atu “tetu” no “deside”
-  De repente = la iha konsentimentu
-  La iha oportunidade atu hatán = la iha konsentimentu
-  Espera buat seluk = la iha konsentimentu

EMA TENKE IHA KAPASIDADE ATU FÓ KONSENTIMENTU

-  Tenke ho tinan boot liu 17
Tenke “hatene a’an”
-  Sei labarik (la haree se nia mak buka, husu ka hakarak) = la iha konsentimentu
-  La hatene a’an ka toba = la iha konsentimentu
-  Lanu loos = la iha konsentimentu



FORMA

Diretiva 5 hosi Despaxu Ministeriál
nú. 39/XI/MESCC/2024, 6 novembru



FORMA – la iha konsentimentu -
signifika hahalok natureza seksuál
la'ós ho vítima nia hakarak atu
simu



**La presiza iha forsa, obriga ka
ameasa atu sai asédiu seksuál**

Ezemplu



Hahalok sei konsidera "lahó ema nia hakarak":

- Bainhira derepenti de'i t ka hakfodak de'it, no ema la iha tempu ka oportunidade atu hato'o konsentimentu
- Asaun uza ameasa ka koasaun ka bosok
- Asaun bazeia ba oferta atu troka vantajen ka favór
- Vítima labarik ho tinan 17 mai kraik
- Determina katak halo atividade seksuál hanesan "kondisaun" atu hetan asesu ba atividade ka rezultadu ruma (relasiona ho avaliasaun estudante, progressaun kareira, asesu bolsa estudu, aprovasaun ka benefísiu ruma)



DOSENTE BELE "NAMORA" [KA IHA RELASAUN ÍNTIMU] HO ESTUDANTE TUIR DIRETIVA MESSKK?

LABELE.

Relasaun entre dosente no estudante tenke bazeia de'it ba kestaun akadémika no ensinu no aprendizajen.

Regra ne'ebé bandu relasionamentu íntimu entre dosente no estudante bazeia ba prinsípiu rua:

(1) **pozisaun inferiór estudante nian no podér hosi dosente**, ne'ebé bele susar atu estudante decide atu la halo tuir dosente nia hakarak tanba dosente iha podér boot no estudante sei kuaze sempre la sente livre hodi hili rasik se hakarak ka lae halo asaun ho natureza seksuál; no

(2) potenciál **konfliktu interese** karik sira bele "namora", haree katak dosente iha devér atu asegura imparsialdiade ba serbisu hosi dosente rasik.

Proibisaun ne'e mós la haree ba estudante nia tinan.

Dosente mak ema ne'ebé iha relasaun kontratuál ho entidade edukasaun no nia mak tenke hatudu hahalok profisionál. Mezmu se estudante ida koko "provoka" ka estudante mak halo iniciativa hodi bolu atu "narmora", dosente LABELE nafatin namora estudante.

Definisaun: Diretiva 5 no 10(c) hosi Despaxu Ministeriál
nú. 39/XI/MESCC/2024, 6 novembru






IMPAKTU

IMPAKTU - hanesan konsekuénsia ne'ebé asaun provoka ka rezulta. Impaktu sei kauza danu ka prejuízu, ne'ebé bele fíziku (labele toba, sente isin moras, ulun moras, sst) , psikolójiku (sente ta'uk, estrés), ka mós vítima susar atu iha produtividade ka estuda di'ak depois akontesimentu

Keta haluha



La presiza akontese "dala barak" hodi sai Asédiu Seksuál. Akontese dala ida bele ona sai hanesan asédiu seksuál



Asédiu seksuál la haree infratór nia intensaun. "Tidak sengajah" mós bele reprezenta asédiu seksuál, tanba impaktu ba vítima sempre iha. Karik ema ida halo asédiu seksuál la hó intensaun, importante husu DESKULPA no hatudu REKOÑESE halo sala no koko halo reparasaun hodi koko hamate impaktu ba vítima

EZEMPLU ASÉDIU SEKSUÁL




Haruka mensajen ho konteúdu seksuál bainhira ema seluk la iha oportunidade atu hatene



Hatudu parte-isin privadu la hó ema-nia hakarak



Kaer ema nia isin bainhira ema la sente konfortável




Halo lian-rei ka hafuik ba ema ida de repente



Kaer ho obriga ka ho forsa ema



Hatudu pornografia bainhira ema la iha vontade atu haree




Publika foto ka imajen ka informasaun kona-ba ema nia moris privadu ka atividade seksuál, la hó ninia autorizasaun



Oferese vantajen hodi troka ba atividade natureza seksuál

EZEMPLU ASÉDIU SEKSUÁL



Habesik hosi ema hodi halo nia susar bo'ok an



ASÉDIU SEKSUÁL TENKE REFERE BA ASAUN NE'EBÉ AKONTESE BEIBEIK?

LAE.

Asédiu seksuál bele refere ba asaun akontese dala ida. Akontese dala hira bele sai hanesan fatór ida atu konsidera sansaun. Bainhira asaun ida akontese beibeik ka liu dala ida sei hetan sansaun todan liu duké asaun akontese dala ida.

Nota katak ezemplu asédiu seksuál ida - husu beibeik atu namora - relasiona duni ho asaun liu dala ida.



5

PREVENSAUN & KOMBATE

ASAUN NESESÁRIU HODI PROMOVE AMBIENTE NE'EBÉ HAMETIN IGUALDADE EFETIVU ENTRE FETO NO MANE

PREVENSAUN

Refere ba kapasidade institusionál hodi foti asaun atu hatún risku asédiu seksuál akontese iha *Kampus*, no mós iha ámbitu atividade akadémiku nian



KOMBATE

Refere ba kapasidade institusionál hodi fó hatán ka responde bainhira iha ona alegasaun asédiu seksuál akontese iha *Kampus* ka iha ámbitu atividade akadémika

PADRAUN KUALIDADE



VALOR NO KULTURA



SISTEMA JESTAUN REKURSU UMANU NO INGRESU ESTUDANTE



HAFORSA KAPASIDADE NO KOÑESIMENTU



MITIGASAUN RISKU




KANÁL KEIXA NO DENÚNSIA



ASISTÉNSIA NO REFERÁL




PROESU RESPONSABILIZASAUN




Aspetu Prinsipál Padraun 1: Polítika Institusionál

- Determina regra toleránsia zero ba asédiu seksuál, no hatudu kompromisu instituisaun atu halakon asédiu seksuál iha nível hotu-hotu no halo husi membru sira hotu komunidadade akadémika nian
- Estabelese definisaun klaru kona-ba saida mak asédiu seksuál no hatuur ho klaru matadalan hahalok ne'ebé labele komete
- Estabelese prosedimentu formál no asesível ba keixa no prosesu responsabilizasaun ne'ebé kumpre ho lejislasaun nasional
- Garante asesu no koñesimentu ba instrumentu no polítika sira ba membru hotu iha komunidadade akadémika nian



Kódigu Konduta



KÓDIGU KONDUTA TENKE ASESÍVEL BA MEMBRU KOMUNIDADE SIRA HOTU

Ezemplu: taka hanesan poster iha fatin oin-oin; kópia iha Biblioteca sira, bele asesu liuhosi website EES nian, sst

INSTRUMENTU INTERNÁL



EES ida-idak mak determina forma ka tipu instrumentu internál. EES balun iha Regulamentu Akadémiku, inklui aspetu ensinu-aprendizajen no kestaun hahalok hosi membru komunidadade akadémika; balun iha Kódigu Konduta ketak hosi Regulamentu Akadémiku; balun iha regra espesífiku ba estudante ketak hosi sira ba dosente, sst

Kódigu Konduta



Kestaun atu inklui iha Kódigu Konduta ka Reglamentu seluk regula Komunidade Akadémika:

- Bandu asédiu hotu-hotu, inklui asédiu seksuál
- Bandu kualkér tipu violénsia, exetu lejítima defeza
- Bandu atu iha relasionamentu íntimu entre dosente no estudante
- Bandu uza ekipamentu, fasilidade no atividade akadémika hodi dezenvolve, hatudu no fahe imajen no informasaun natureza seksuál (exetu iha âmbito prosesu ensinu-aprendizajen)
- Determina direitu atu halo keixa ka denúnsia kona-ba hahalok ne'ebé viola Kódigu Konduta, no halo keixa sei la konsidera hanesan asaun viola "naran di'ak" instituisaun
- Determina katak dosente no funsionáriu sira hotu tenke halo denúnsia bainhira suspeita ka hatene kona-ba hahalok viola Kódigu Konduta
- Labele halo intimidasaun ka perseguisaun ba sira ne'ebé halo keixa ka denúnsia, ka sai testemuña iha âmbito prosesu dixiplinár relasiona ho violasaun Kódigu Konduta



Importante asegura análise legál ba Kódigu Konduta hodi garante kumprimentu ba enkuadramentu jurídiku relevante, liuliu Diretiva MESSKK nian, inklui liuhosi análise especializada iha área direitu umanu. igualdade jéneru no violénsia bazeia ba jéneru

Keta haluha



Labele uza linguajen nakonu ho estereotipu, ne'ebé bele fó sala ba vítima

Karik EES deside atu iha regra kona-ba rounpa atu uza iha *Kampus*, regra ne'e tenke ho linguajen ne'ebé la diskrimina hasoru feto. Ezemplu: determina katak estudante hotu-hotu tenke hatais rounpa reflète dignidade instituisaun, inklui garante ropa moos no estudante hotu-hotu labele uza rounpa badak (lalika refere ba tamañu saia ka faru no la iha referénsia espesífiku ba feto)



VALÓR NO PRINSÍPIU BAZE


Padraun 2

Diretiva 12 no 13 hosi Despaxu Ministeriál
nú. 39/XI/MESCC/2024, 6 novembru



Aspetu Prinsipál Padraun 2: Valór no Prinsípiu Baze

- Promove kultura no valór fundamentál ba respeitu no igualdade entre membru hotu-hotu hosi comunidade akadémika, inklui ho objetivu atu hamate membru comunidade sira-nia hahalok ne'ebé hanehan ka hatún membru sira seluk
- Halo esforu hodi garante representasaun fetu iha posizaun sira hotu, inklui pozisaun nu'udar dosente, lideransa departamentu, sst
- Harii ambiente transparente, demokrátiku, partisipativu no seguru atu diskute no buka solusaun ba problema asédiu seksuál
- Hasa'e konsiénsia kona-ba impaktu asédiu seksuál iha comunidade akadémika no iha instituisaun tomak



Ezemplu Asaun atu Foti hodi implementa Padraun refere

- Uza ho regulár mekanizmu formál no públika, hanesan Kuadru Avizu no Facebook hodi hato'o informasaun no fahe dokumentu
- Halo enkontru ho membru Fakuldade no Departamentu ho regulár no garante hasai Ata hosi enkontru no sirkula iha Fakuldade, inklui ba Senado Estudantil
- Eleisaun ka nomeasaun ba Dekanu ka Xefe Departamentu ho esforsu espesífiku atu promote fetu
- Determina mínimu númeru pozisaun lideransa ka jestaun tenke okupa hosi fetu, no la nomeia sira ba pozisaun ne'ebé relasiona ho administrasaun no finansa de'it



SISTEMA JESTAUN NO REKURSU UMANU

Padraun 3

Diretiva 14 no 15 hosi Despaxu Ministeriál
nú. 39/XI/MESCC/2024, 6 novembru



Aspetu Prinsipál Padraun 3: SISTEMA JESTAUN REKURSU UMANU

Rekrutamentu

- Rekolle referénsia hosi ninia serbisu-fatin uluk nian (eis-supervizór no kolega)
- Ezije *bom comportamento* ka rejistu kriminal
- Asina deklarasaun onra katak "nunika sai alvu ba prosesu dixiplinár kona-ba asédiu seksuál"
- Halo pergunta ne'ebé koko deskobre sentimentu diskriminatóriu husi kandidatu
- Analiza kandidatu nia prezensa iha ámbitu mídia sosiál
- Ekipa Júri ba rekrutamentu tenke garante diversidade, no partisipasaun feto

Nomeasaun Kargu Lideransa

- Determina kritéru ba nomeasaun presiza inklui "kompromisu ba igualdade jéneru no kombate violénsia, inklui asédiu seksuál"

Aspetu Prinsipál Padraun 3: INGRESU ESTUDANTE

- Hakerek iha formuláriu kandidatura ingresu kompromisu zero toleránsia ba violénsia, inklui asédiu seksuál
- Iha tempu rejistu estudante, dokumentu estudante tenke asina inklui ho spesífiku kompromisu zero toleránsia ba violénsia, inklui asédiu seksuál
- Husu estudante sira atu asina Deklarasaun Onra hodi sira fó-sai karik sira hetan ona sansaun ka kastigu relasiona ho violénsia bazeia ba jéneru molok mai estuda iha ensinu superiór

Keta haluha



Karik estudante fó-sai katak nia hetan ona sansaun ka kastigu tanba asaun violénsia bazeia ba jéneru, nafatin estudante bele ingressu, haree ba misaun edukativu ensinu superiór. EES bele motiva estudante sira-ne'e atu hetan akonsellamentu iha kampus no mós halo monitorizasaun ba estudante sira-ne'e ninia hahalok.



HAFORSA KAPASIDADE

Padraun 4

Diretiva 18, 19 no 20 hosi Despaxu Ministeriál
nú. 39/XI/MESCC/2024, 6 novembru



SOSIALIZASAUN



FORMASAUN

Halo apresentasaun/briefing durante orientasaun estudante foun

Taka postér iha Kampus

Fahe materiál ba estudante ho mensajen Zero Toleránsia ba Asédiu Seksuál

Hatudu Filme Badak "Saida mak Asédiu Seksuál"

Inklui tópiku Asédiu Seksuál iha enkontru regulár ho Senado Estudantil

Formasaun spesífiku báze ba dosente sira hotu

Formasaun spesífiku báze ba dosente sira hotu

Formasaun spesífiku ba sira "First Responders" karik iha


Formasaun spesífiku ba sira ho kompeténsia hodi simu keixa ka denúnsia no halo prosesu dixiplinár



La suficiente halo sosializasaun dala ida de'it!

Sosializasaun tenke ho beibeik no ho regulár no uza forma oinoin, hodi bele garante impaktu pozitivu no koko halo mudansa ba hahalok no atitude hosi membru sira comunidade akadémika

Rezultadu pozitivu presiza tempu no esforsu





MITIGASAUN RISKU

Padraun 5

Diretiva 16 hosi Despaxu Ministeriál
nú. 39/XI/MESCC/2024, 6 novembru



PREVENSAUN



RISKU BO'OT



RISKU KI'IK

Risku balun ba asédiu seksuál iha ensinu superiór:

- Enkontru individuál entre dosente-supervizór no estudante
- Identifikasaun estudante nia naran ka identidade iha teste no prova
- La iha regra klaru ba regra aprovasaun matéria ka nota reforsu/rekuperasaun (ka la iha sistema verifikasaun nota/rezultadu)
- La iha regra katak bandu relasaun íntimu entre dosente no estudante
- Dosente "empresta" osan hodi estudante selu propinas
- Harii grupu Whatsapp laho partisipasaun hosi funsióriu Faculdade ka laho regra klaru komunikaun
- Atividade durante viajen, inklui iha tempu kalan
- Eventu sosiál relasiona ho EES
- Realizasaun traballu grupu entre estudante
- Falta iluminasaun iha kampus
- Hariis fatin laiha seguransa (ez. la xáve)
- Seluk tuir realidade EES nian

PRESIZA FOTI ASAUN HODI HAMATE KA HATÚN RISKU



OINSÁ IDENTIFIKA ASAUN HODI HATÚN RISKU?

Risku mak hanesan possibilidade asédiu seksuál akontese. EES presiza identifika asaun atu hatún risku liuhosi diskusaun internál no mós diskusaun ho Senado Estudantil. Ezemplu asaun hodi hatún risku relasiona ho atendimentu individuál: (i) tenke halo iha Faculdade/Departamentu no iha oras baibain; (ii) oráriu atendimentu jere hosi administrasaun ka estudante tenke asina lista prezensa iha administrasaun; (iii) garante ema seluk bele haree enkontru durante atendimentu (janela vidru, odomatan loke, sst)



KEIXA KA KANÁL DENÚNSIA

Padraun 6

Diretiva 21, 22 no 23 hosi Despaxu Ministeriál
nú. 39/XI/MESCC/2024, 6 novembru



Aspektu Prinsipál Padraun 7: KEIXA KA KANÁL DENÚNSIA

- Harii mekanizmu atu simu keixa ka denúnsia
- Determina obrigasaun ba dosente no funsionáriu hotu-hotu atu halo keixa bainhira iha suspeita ka hatene kona-ba asédiu seksuál



Vítima ka ema seluk halo denúnsia ka sai testemuña
labele hetan perseguisaun ka intimidasaun



PROTESAUN

Identifika Kanál (ka Odomatan) oin-oin atu simu keixa ka denúnsia




Reitór ka
Reitoria ka
Pró-Reitór




Provedor Estudante
ka Konselleiru



Pontu Fokál iha
Fakuldade



Pontu Fokál
Senadu
Estudantil




**INFORMASAUN HOSI KEIXA TENKE HO
KONFIDENSIÁL**



LA PRESIZA KEIXA KA DENÚNSIA TENKE SUBMETE LIUHOSI "IERÁRKIA"

Ema ida tenke iha oportunidade atu hato'o keixa iha kanál ne'ebé nia sente konfortável no kanál ne'ebé nia fó fiar ba. Asuntu asédiu seksuál mós sensitivu loos no ho nune'e vítima barak sei hakarak hateten sai informasaun ba ema ne'ebé nia konfia katak sei rona nia, sei la fó-sai informasaun konfidensiál no mós sei foti asaun.





ASISTÊNCIA NO REFERÁL

Padraun 7


Diretiva 24 no 29 hosi Despaxu Ministeriál
nú. 39/XI/MESCC/2024, 6 novembru



Vítima Asédiu Seksuál (no violénsia bazeia ba jéneru seluk) bele asesu apoiu espesializadu, hanesan Rede Referál



Apoiu Médiku



Apoiu

Psikososiál

[inklui Akonsellamentu no Uma mahon]




Apoiu Legál


**IMPORTANTE HATENE OINSÁ
MAK BELE ASESU REDE
REFERÁL VIOLÉNSIA BAZEIA
BA JÉNERU**

Enkamiña ka refere ba serbisu apoiu tenke bazeia ba vítima nia konsentimentu

**Asesu Informasaun
Serbisu Apoiu**



<https://hamahon.tl>



Importante atu konsulta ho vítima ho regulár



PROSESU RESPONSABILIZASAUN

Padraun 8

Diretiva 25 to'o 28 hosi Despaxu Ministeriál
nú. 39/XI/MESCC/2024, 6 novembru



Aspektu Prinsipál Padraun 7: PROSESU RESPONSABILIZASAUN

- Garante sei implementa - ho kompletu - prosesu responsabilizasaun internál, ho natureza prosesu dixiplinár
- Determina potenciál sansaun ne'ebé tenke refleto gravidade hosi violasaun
- Hasa'e konfiansa hosi komunidadade akadémika tomak relasiona ba kapasidade institusionál atu lori ema halo asédiu seksuál atu responsabiliza ba ninia hahalok


Keta haluha



- EES iha devér atu halo prosesu responsabilizasaun ba alegasaun asédiu seksuál - labele "taka matan" de'it

DAME MALU ka "Rezolve Família"

Vítima no infratór bele "dame malu" iha kazu balun asédiu seksuál.



"Dame Malu" hanesan opsaun ida bainhira asédiu seksuál la grave (akontese dala balun; impaktu negativu la boot) no bainhira asédiu halo bazeia ba negligénsia (infratór la fó atensaun ka la kuida).

Dame malu tenke:

- Rekoñese katak asédiu seksuál akontese duni
- Hatuur katak infratór halo sala, mezmú se nia laiha intensaun atu halo asédiu seksuál
- Tenke bazeia ba vítima nia konsentimentu
- Karik prosesu la'ó ho susesu, sempre tenke halo ho formál "xamada atensaun" eskritu




Dame malu labele:

- Taka prosesu dixiplinár
- Mai hosi presaun ba vítima ka vítima konkorda tanba ta'uk sei hetan kastigu ka retaliasaun
- Liberta infratór hosi sansaun dixiplinár
- Uza ba iha kazu grave (ez. akontese beibeik; infratór ameasa, persegue ka kastigu vítima infratór bobar lia-falsu hasoru vítima; viola devér konfidensialidade)



TIPU SANSAUN

Diretiva 10(e) hosi Despaxu Ministeriál
nú. 39/XI/MESCC/2024, 6 novembru



DOSENTE

EES Públiku Estatutu Funsau Públika

Repreensaun eskrita
[art. 79.º, b) e art. 84.º]

Multa
[art. 79.º, c) e art. 85.º]

Suspensaun
(loron 20 - 120 ka 121 - 240)
[art. 79.º, d) e art. 86.º]

Inatividade
[art. 79.º, e) e art. 87.º]

Reforma Obrigatória
[art. 79.º, f) e art. 88.º]

Demisaun
[art. 79.º, g) e art. 89.º]

ESTUDANTE

Ezemplu

- Adverténsia eskrita
- Suspensaun atividade edukativa (prazu spesífiku)
- La pasa iha dixiplina (karik rezultadu avaliasaun relasiona ho infrasaun)
- Lakon bolsa estudu
- Labele mai iha Kampus
- Espulsaun hosi EES

Sansaun ba estudante tenke determina iha regulamentu internál

EES Privadu

Lei Traballu

Adverténsia orál
[art. 23.º, n.º 4, a)]

Adverténsia eskrita
[art. 23.º, n.º 4, b)]

Suspensaun másimu loron 3
(depois adverténsia eskrita x 3)
[art. 23.º, n.º 4, b)]

Sansaun Asesória ba Dosente EES Públiku ka Privadu

EES bele aplika sansaun asesóriu ne'ebé relasiona ho lakon asesu ba benefísiu adisionál ka ho prevensaun infrasaun akontese iha futuru.

Ezemplu:

- Lakon bolsa estudu
- Hamenus númeru estudante halo supervizaun
- Bandu partisipa iha eventu akadémiku durante prazu spesífiku
- Tuir kursu formasaun kona-ba asédiu seksuál ka igualdade jéneru

Sansaun asesóriu bele aplika de'it bainhira hatuur iha regulamentu internál

MEDIDA PROTESAUN BA VÍTIMA

Padraun 7

**SEMPRE TENKE
KONSIDERA VÍTIMA
NIA DIREITU,
NESESIDADE NO
VÍTIMA NIA
PREOKUPASAUN NO
TRAUMA**

Diretiva 10(g), 19.2(d), 25.1(e) hosi Despaxu Ministeriál
nú. 39/XI/MESCC/2024, 6 novembru



EES iha responsabilidade atu garante katak prosesu dixiplinár sei la lori impaktu negativu ba vítima, no ho nune'e tenke tane aas konfidensialidade no tenke halo esforsu atu identifika nesesidade vítima nian no komprende ninia trauma.

Asaun hotu-hotu tenke kaer-metin nu'udar objetivu ida mak proteje seguransa vítima nian (hosi perspetiva fíziku no psikolójiku) no hamenus risku atu hatodan liután vítima nia trauma.

Esforsu ne'e mak hanaran: **Prosesu Sentradu ba Vítima no Bazeia ba Trauma**

medida
PROTESAUN



Ezemplu medida protesaun ba vítima:

- Adaptaisaun ba ambiente akadémiku ka traballu (muda supervizór, muda hosi klase/turma, sst)
- Alterasaun ba modalidade hosi estudante nia partisipasaun iha ensinu ka funsionáriu nia serbisu (estuda/serbisu hosi uma durante tempu balun, sst)
- Modifikasaun temporária ba alegada vítima nia responsabilidade sira (bainhira funsionáriu ka dosente)



Aplikasaun ba medida protesaun ba vítima sei depende ba konsentimentu hosi vítima rasik, no EES labele deside medida protesaun sira la hó diálogo ho vítima hodi identifika vítima nia hakarak no nesesidade.

6


NATUREZA RESPONSABILIZASAUN

Diretiva 30 no 31 hosi Despaxu Ministeriál
nú. 39/XI/MESCC/2024, 6 novembru



Natureza responsabilizasaun ba Asédiu Seksuál komete iha ámbitu EES bele ho tipu oin-oin:


- Dixiplinár
- Kriminál
- Sivil



HOTU-HOTU

DIXIPLINÁR


Ez. Adverténsia
Suspensaun
Traballu "adisionál"
Kansela Bolsa Estudu
Demisaun ka espulsaun



BALUN

KRIMINÁL

Ez. Devasa
Koasaun seksuál
Violasaun seksuál
Ezibisionizmu
Abuzu Podér
Ameasa



BALUN

SIVIL

Lori danu ka prejuízu ba
ema privadu
Ez.: Pedidu deskulpa
Selu indemnizasaun
Bandu infratór atu
kontaktu vítima



Kazu asédiu seksuál ida bele promove tipu responsabilizasaun 3 hotu - haree katak ninia natureza no objetivu la hanesan.

KOMPARASAUN TIPU RESPONSABILIZASAUN



Dixiplinár

Informasaun jerál:

- Responsabilidade individuál
- Viola regra étiku-dixiplinár
- Kastigu ka sansaun lori impaktu ba relasaun serbisu/traballu ka estudu nian

Na'in ba prosesu:

Entidade ho kompeténsia dixiplinár (KFP ka EES)

Ezemplu relevante:

Violasaun devér respeitu kolega ka subordinadu

Violasaun regra internál

Uza funsaun atu hetan vantajen

Uza facilidade ensinu atu viola ema seluk nia direitu

Tipu kastigu ka sansaun:

Xamada atensaun

Suspensaun

Lakon priviléjiu ka benefísiu ruma (ez. Bolsa Estudu)

Demisaun ka Espulsaun

Báze Legál:

Regulamentu Internál EES

Lei Traballu (EES Privadu)

Estatutu Funsau Públiku (EES Públiku)



Kriminál

Informasaun jerál:

- Responsabilidade individuál
- Tenke identifika hahalok espesífiku nu'udar krime (iha Kódigu Penál)
- Kastigu hanesan limitasaun ba arguidu nia direitu tuir desizaun judisiál

Na'in ba prosesu:

Ministériu Públiku (Vítima ho pozisaun nu'udar Asistente)

Ezemplu relevante:

Krime Ezibisionizmu

Krime Devassa

Krime Koasaun Seksuál

Krime Ameasa

Krime Abuzu Podér

Tipu kastigu ka sansaun:

Prizaun

Multa

Traballu ba komunidadade

Báze Legál:

Kódigu Penál

Kódigu Prosesu Penál








VS




Regra jerál katak EES LABELE suspende prosesu dixiplinár hodi "hein" prosesu krime

EES iha DEVËR atu halo tuir prosesu dixiplinár hasoru membru komunidadade akadémika (bainhira iha ka la iha prosesu krime relevante)

EZEMPLU ASÉDIU SEKSUÁL NU'UDAR INFRAZAUN DIXIPLINÁR NO KRIME



EZEMPLU ASÉDIU SEKSUÁL NU'UDAR INFRAZAUN DIXIPLINÁR NO KRIME



Krime Koasaun ka
Krime Abuzu podér



Karik Krime Sekuestru,
bainhira xáve ka prende ema

Ezemplu Krime relevante ba Asédiu Seksuál

Krime Koasaun: hanesan "obriga" ema ida atu halo tuir buat ida ne'ebé tuir loloos nia lakoi. Koasaun akontese bainhira mós "ameasa" atu ema ida hetan konsekuénsia negativa ba ninia serbisu ka estudu (artigu 158 Kódigu Penál) – Krime Semi Públiku

Krime Koasaun Grave: hanesan krime koasaun, no vítima iha pozisaun vulnerabilidade ka arguidu abuzo ninia funsaun ka inklui ameasa krime (artigu 159 Kódigu Penál) – Krime Públiku

Krime Devasa: fó-sai informasaun ka imajen hosi ema nia moris privadu (ka moris seksuál) la hó ema nia konsentimentu (artigu 188 Kódigu Penál) – Krime Semi-Públiku

Krime Ezibisiomizmu Seksuál : bainhira autór hatudu ninia isin-lolon privadu la hó vítima nia hakarak sira seluk (artigu 181 Kódigu Penál) – Krime Públiku

Krime Violausaun no Koasaun Seksuál: krime relasiona ho violausaun ema ida nia autonomia seksuál (ninia kapasidade atu deside rasik) liuhosi violénsia ka ameasa, Diferensa entre violausaun no koasaun mak violausaun refere ba penetrasaun ka koitu, enkuantu koasaun haree ba asaun natureza seksuál sira seluk (artigu 172 no 173 Kódigu Penál) – Krime Públiku

Abuzu Podér: bainhira ema ida uza podér ne'ebé nia iha hodi foti vantajen ne'ebé la lo'os/la iha direitu atu simu ka atu prejudika ema ida. Tuir definisaun Kódigu Penál, krime ne'e halo hosi funsionáriu públiku no ema kaer podér públiku. EES ne'ebé simu subvensaun públika iha natureza hanesan entidade utilidade públika, no ninia traballadór sira mós konsidera hanesan "funsionáriu" tuir krime ida ne'e (artigu 297 no 302 Kódigu Penál) – Krime Públiku



7

PROSESU DIXIPLINÁR

Diretiva 25 hosi Despaxu Ministeriál
nú. 39/XI/MESCC/2024, 6 novembru



EES mak iha responsabilidade atu garante sei halo tuir prosesu dixiplinár hasoru ema ne'ebé sai suspeitu komete asédiu seksuál nu'udar violasaun ba devér relevante haree ba relasaun entre alegadu infratór no EES



PÚBLIKU – Regra dixiplinár tuir EFP ka regulamentu internál espesífiku ne'ebé kumpre ho EFP

PRIVADU – Regra dixiplinár tuir Lei Traballu ka regulamentu internál espesífiku, ne'ebé kumpre ho Lei Traballu

Prosesu Dixiplinár: Fáze Prinsipál 3




Keta haluha



EES sira hotu, públiku no privadu, tenke garante katak prosesu dixiplinár sei kumpre ho garantia mínimu hanesan:

- Objetividade: Labele haliis ba sorin ida
- Kompletu: Tenke rekolle informasaun ho kualidade no ho kompletu
- Oportunidade defeza: Alegadu infratór sempre tenke iha direitu atu defende an
- Labele intimidasaun no tenke proteje vítima: tanba ema hotu iha direitu atu hato'o keixa ida, labele intimida vítima (ez. suspende vítima) no tenke foti asaun atu garante ninia protesau
- Desizaun tenke fórmál no notifika ba parte rua: desizaun sira - loke prosesu dixiplinár, *nota de culpa* no desizaun finál - sempre tenke ho formál (labele orál de'it) no tenke notifika ba parte rua

PROSESU DIXIPLINÁR



EES presiza iha sistema internál ida klaru ne'ebé hatu'ur hakat-hakat hosi prosesu dixiplinár no mós identifika sé mak responsavel ba hakat idaidak no prazu saida mak aplika ba hakat sira

Ilustrasaun iha ne'e hatudu mak fáze ka hakat baibain aplika iha prosesu dixiplinár haree ba kazu asédiu seksuál

NOTA BALUN KONA-BA PROSESU DIXIPLINÁR

Fáze Preliminár



OBJETIVU FÁZE: mak determina loke prosesu dixiplinár ka la'e no identifika karik presiza aplika medida protesaun ba vítima no medida preventiva ba alegadu infratór. Loke prosesu dixiplinár tenke identifika alegadu infratór

- ✓ EES labele “taka keixa” laho razaun klaru ka tanba “vítima lakohi ona” kontinua. EES iha devér legál no interese rasik atu garante kumpre ho dixiplina hosi ninia membru komunidadade akadémika no tenke halo esforsu hodi bele konklui prosesu dixiplinár
- ✓ Nunka bele suspende vítima ka testemuña atu hein prosesu dixiplinár hotu. Vítima iha direitu atu hetan medida protesaun. Suspensaun suspeitu - suspensaun preventiva - bele halo bainhira suspeitu kontinua serbisu ka estuda sei lori impaktu negativu ba prosesu ka ba vítima rasik
- ✓ Tuir Diretiva MESSKK prosesu dixiplinár bele hahú hosi denúnsia ema ida ne'ebé la'ós vítima rasik. EES lalika "hein" vítima apresenta an hodi hahú prosesu dixiplinár
- ✓ Desizaun atu loke prosesu dixiplinár sei depende ba identifikaun alegadu infratór no alegada violasaun ninia devér. Karik informasaun la iha kona-ba identidade alegadu infratór ka tipu violasaun ne'ebé alega nia komete, EES sei presiza hala'o "investigasaun preliminar"



KARIK VÍTIMA HAKARAK "DADA-FALI" KEIXA OINSÁ?


Uluk nainain importante komprende vítima nia pozisaun no koko hatene tanba-sá mak vítima hakarak hapára prosesu dixiplinár: nia ta'uk, nia hetan presaan hosi ema balun, nia sente moe no kolega sira ka família sei haree nia la di'ak?

Instrutór prosesu tenke iha kapasidade atu habesik an hosi vítima no koko komprende vítima nia pozisaun; bele mós propoin aplikasaun medida preventiva ba alegadu infratór no medida protesaun ba vítima.

Karik informasaun ne'ebé rekolle ona hosi instrusaun nato'on hosi tempu keixa nian, entaun prosesu bele kontinua. La presiza tenke ko'alia dala ida tan ho vítima. Importante mak sempre mantein vítima informada.

NOTA BALUN KONA-BA PROSESU DIXIPLINÁR

Fáze Instrusaun



OBJETIVU FÁZE: mak determina loke prosesu dixiplinár ka la'e no identifika karik prezisa aplika medida protesaun ba vítima no medida preventiva ba alegadu infratór. Loke prosesu dixiplinár tenke identifika alegadu infratór

Termu "Instrusaun" mak refere ba investigasaun ne'ebé halo iha ámbitu prosesu administrativu dixiplinár

INSTRUSAUN




INVESTIGASAUN

- ✓ EES prezisa iha sistema internál ida klaru ne'ebé hatu'ur hakat-hakat hosi prosesu dixiplinár no mós identifika sé mak responsavel ba hakat idaidak no prazu saida mak aplika ba hakat sira
- ✓ Instrusaun mak hanesan prosesu atu rekolle informasaun karik alegasaun asédiu loos ka lae.
- ✓ Vítima nia lian mós hanesan prova ka evidénsia! La prezisa tenke iha testemuña matan. Mezmu se alegadu infratór nega halo asédiu seksuál, bele nafatin konklui infratór viola nia devér bainhira fiar liu vítima nia lian ka konsidera vítima nia lian ho forsa liu duké infratór nian
- ✓ Nota de Culpa hanesan "akuzasaun" no tenke hatuur ho spesífiku alegasaun relevante atu bele fó oportunidade ba defeza. Tenke informa ba vítima Nota de Culpa iha ona, tanba vítima bele hetan ameasa ka presaun bainhira Nota de Culpa entrega ona ba alegadu infratór



Instrusaun tenke mós sentradu ba vítima & Ho konfidensialidade



- Halo entrevista iha fatin seguru no segredu
- Konsulta ho vítima kona-ba potenciál testemuña atu entrevista
- Hakerek notas detalhe no rai didi'ak
- Labele uza linguajen fó sala ba vítima!



Instrutor tenke ema ida ne'ebé iha esperiénsia no koñesimentu hodi halo instrusaun iha ámbitu prosesu dixiplinár no tenke mós komprende kona-ba kestaun asédiu seksuál

REKOLLE INFORMASAUN

Rekolle Informasaun hanesan mekanizmu hodi buka-tuir fonte informasaun ne'ebé bele sai nu'udar báze ka evidénsia atu bele foti pozisaun klaru ida karik alegasaun asédiu seksuál loos ka lae

	Dokumentu (relatóriu, Lista Prezensa, sertifikadu, desizaun judisiál, sst.)
	Dokumentu Pesoál Vítima nian (korrespondénsia, email, konta bankária, sst.)
	Fixeiru eletróniku (foto, vídeu, mensajen WA, postajen FB, ka áudiu)
	Deklarasaun Vítima (fó ona ka foun)
	Deklarasaun Sasin ka Testemuña
	Ezame médiku (fíziku no/ka psikolójiku – bainhira alegasaun sériu no presiza duni)
	Evidénsia fízika (ai-moruk tradisionál, ropa, instrumentu uza, sst.)

Fó hanoin



LA PRESIZA rekolle evidénsia ka informasaun hosi tipu hotuhotu! Sei depende ba investigasaun idaidak nian.

Asédiu Seksuál baibain akontese iha segredu, no laiha testemuña direta. Instrutór mós tenke buka tuir informasaun indireta relevante, inklui impaktu ba vítima nia moris ka estudu

Informasaun liuhosi dokumentu ka evidénsia eletróniku bele hatudu ho klaru asédiu seksuál ka bele haforsa informasaun hodi investigadór determina nia "fiar sé", no karik iha di'ak atu rekolle

NOTA BALUN KONA-BA PROSESU DIXIPLINÁR

Fáze Desizaun



OBJETIVU FÁZE: hodi remata prosesu dixiplinár. Iha fáze ne'e presiza fote desizaun kona-ba alegasaun asédiu seksuál no mós determina sansaun ba infratór, karik konsidera nia viola devér étiku profisionál ka akadémiku.

- ✓ Tenke iha desizaun ida finál ba prosesu - labele "taka ka arkivu" prosesu iha dalan klaran
- ✓ Desizaun tenke hakerek no tenke iha desizaun klaru se: (i) asédiu seksuál akontese; (ii) laiha informasaun natoon atu determina katak asédiu seksuál akontese
- ✓ Alegadu infratór no vítima tenke simu kópia desizaun prosesu dixiplinár
- ✓ Bainhira prosesu konklui katak asédiu seksuál akontese, sansaun tenke refleto gravidade hosi asaun. Asédiu seksuál la'ós "buat ki'ik oan ida"!
- ✓ Sansaun dixiplinár tenke rejistu iha arkivu individuál rekursu umanu hosi infratór hodi garante katak sei konsidera istória ida ne'e iha futuru, liuliu karik akontese dala ida tan
- ✓ Karik prosesu dixiplinár nia konkluzau mak laiha informasaun atu hatudu asédiu seksuál akontese duni, ne'e signifika prosesu dixiplinár la rekolle informasaun atu hatudu asédiu seksuál akontese




Vítima ka ema halo denúnsia labele hetan "kazu" kontra nia tanba prosesu dixiplinár nia rezultadu mak alegadu infratór la komete asédiu seksuál!

Se la iha evidénsia ne'ebé hatudu ho momoos ema ida halo keixa hodi lori vingansa alegadu infratór ka hodi abuza sistema internál EES nian, entaun labele halo prosesu kontra vítima




PRAZU RELASIONA HO PROESU DIXIPLINÁR



Alegadu Infratór Dosente ka Funsionáriu ho vínkulu ho EES


EES Públiku: labele liu tinan 2 entre data akontesimentu no data loke prosesu dixiplinár (artigu 76, nú. 1 Estatutu Funsau Públika)

EES Privadu: labele liu loron 20 entre data empregadór (ez. Reitór ka Entidade ho autoridade dixiplinár) hetan koñesimentu alegasaun no data loke prosesu dixiplinár (artigu 24, n. 1 Lei Traballu). Tempu entre loke prosesu dixiplinár no nia konkluzau labele liu fulan 6 (artigu 23, n. 8 Lei Traballu)



Alegadu Infratór Dosente laiha vínkulu ho EES

EES Públiku ka Privadu: presiza registu alegasaun ho lailais no informa EES relevante (ez. EES estrangeiru) hodi bele foti asaun relevante. EES iha Timor-Leste devia husu atu suspende dosente refere, depois halo rejistu ona ba denúnsia, karik alegasaun grave, ka husu substituisaun ba dosente seluk



Alegadu Infratór Estudante

EES Públiku ka Privadu: Determina iha regulamentu internál - labele tempu badak liu ne'ebé susar atu simu keixa no halo prosesu; no labele tempu naruk liu ne'ebé halakon nesesidade atu aplika sansaun



8

MITU VS FAKTU KONA-BA ASÉDIU SEKSUÁL*

Agora ha'u labele ko'alia ho kolega fetu ida



Bele ko'alia ho kualkér ema ida iha ambiente serbisu ka estuda, maibé sempre ho respeito

Iha ambiente akadémiku ita sei sempre ko'alia ba malu. Bandu mak ko'alia buat ne'ebé sei hatún ka hamoe ema nia sentimentu ka dignidade. Tenke kompriende katak diálogu ho natureza seksuál sempre sei mosu risku katak kolega serbisu ka estudante seluk sei sente la di'ak no sei la simu. Afinál ita iha instituisaun edukasaun nian!

Asédiu seksuál mak hahalok ne'ebé tenke repete beibeik



Asédiu seksuál bele sai hanesan hahalok ne'ebé halo dala ida de'it

Asédiu seksuál relasiona ho impaktu ba vítima ka ambiente estuda ka serbisu. Ho nune'e, hahalok ho natureza seksuál ne'ebé halo dala ida de'it no lori impaktu bo'ot negativu ba ambiente ka ba vítima rasik, sai hanesan asédiu seksuál.

Asédiu seksuál akontese tanba ema ida hakarak halo duni



Dala barak asédiu seksuál akontese maski autór la halo ho intensaun espesífiku

Asédiu seksuál relasiona ho impaktu. Ho nune'e, asédiu seksuál sei akontese bainhira ema ida sai ofendidu ka ema ida sai la-konfortável ho hahalok seksuál ida. Dala balun ema sira hanoin asédiu seksuál "biasa" de'it no bele "halo de'it", tanba haree ema seluk halo ona ka tanba akontese ho beibeik. Maibé asédiu seksuál sempre sala, mezmuké ema barak sei halo. Mezmu ema ida la hatene ninia asaun hanesan asédiu seksuál sei nafatin asédiu seksuál; mezmu "tidah sengaja" bele reprezenta asédiu seksuál.


Fetu ida-ne'ebé hatais roupa badak hakarak ema ko'alia kona-ba ninia isin ka kaer ninia isin-lolon



Ema barak hatais roupa badak tanba nia gosta roupa, ninia estilu ka hakarak sente di'ak ho ninia isin rasik

Ema hotu livre atu hatais conforme ninia hakarak! Roupa badak la sai hanesan "autorizasaun" atu kaer ema nia isin! Mane ida karik la'o hó hirus-matan molik mós sei la lori mensajen katak ema ida bele kaer ninia isin. Konsidera vítima nia hatais iha prosesu asédiu seksuál hanesan atu fó-sala ba vítima no justifika infratór ninia asaun.

"Ah, nia maña!" Bainbain fetu nia maneira hatete lakohi, maibé tuir loloos nia hakarak



"Lae" katak LAE!! Se dehan lakohi, lalika husu tan!

Karik ema hakarak buat ruma, nia sei simu no dehan "Loos" ka "Ha'u hakarak". Karik la dehan hakarak, nune'e lakohi. Simples. Finje la komprende ema nia 'lae', ka husu tan ka kontinua fó presau hanesan falta respeito no hátún ema nia dignidade no bele mós reprezenta asédiu seksuál.

"Sé mak haruka ita atu haree!" Ha'u la sala ida, kolega mak buka-haree iha komputadór



Fatin serbisu ka estuda nu'udar fatin ho ninia funsaun espesífiku no hahalok tenke tuir natureza id-ne'e

Ema ne'ebé rai foto ka haree foto ka vídeu iha Internet kona-ba seksu ka pornografia iha serbisu-fatin ka iha Kampus halo duni asédiu seksuál tanba halo ambiente laho respeito no ho neon-aat ka abuzivu.

* Adapta hosi Nasoens Unidas, Matadalan Kona-ba Prevensaun no Protesaun ba Violénsia Bazeia ba Jéneru no Infrasaun Natureza Seksuál, Maiu 2020

MITU VS FAKTU KONA-BA PROSESU DIXIPLINÁR

Alegasaun asédiu seksuál hafoer instituisaun nia naran



Bainhira alegasaun asédiu seksuál iha hatudu instituisaun halo esforsu atu kombate problema ne'e

Timor-Leste iha prevalénsia a'as violénsia bazeia ba jéneru, no ho nune'e comunidade akadémika mós sei hasoru dezafiu ida-ne'e. Bainhira alegasaun asédiu seksuál iha ona ne'e signífika katak ema hahú fó konfiansa ba estrutura EES hodi haree ba asuntu refere no sente forte atu ko'alia sai. Se asédiu seksuál kontinua akontese no la iha alegasaun formál, entaun ne'e bele, iha tempu naruuk, prejudika loos EES.

Nia hato'o ona ba polisia nune'e instituisaun labele halo asaun tan no tenke hein rezultadu



EES mak iha devér legál atu garante ambiente seguru no tenke foti asaun hodi determina se alegadu infratór viola regra internál

Polisia no sistema kriminál haree ba krime, atu determina karik krime akontese. EES nia responsabilidade mak atu haree karik ema ida viola ninia regra rasik - idaidak ho ninia knaar. Ema nia kondensaan hosi Tribunál determina se nia halo krime, la haree relasaan traballu ka estudu. Karik EES la foti asaun dixiplinár ho lailais, infratór sei kontinua halo ninia serbisu ka estuda la hó konsekuénsia ruma, no sei buras iha EES nia kampus ambiente neon a'at, ne'ebé ema ne'ebé komete asédiu seksuál la hetan konsekuénsia ida iha ámbitu comunidade akadémika. Idaidak ho ninia responsabilidade!

Karik vítima la iha gravasaun, mensajen ka testemuña matan, labele deside asédiu seksuál akontese



Vítima nia deklarasaun mós hanesan "evidénsia" no instrutor sei presiza tetu vítima no infratór nia liafuan

Asédiu seksuál bainbain akontese ho segredu, no ho nune'e susar atu iha "evidénsia" barak. Maibé bele instrutor haree vítima nia liafuan forte liu duké arguidu, no iha informasaun "indireta" ne'ebé haforsa liafuan hosi vítima. Bele tetu buat oinoin: vítima nia deklarasaun parese loos? alegadu infratór nia deklarasaun "tun-sa'e" uitoan no faktu balun indiretu la loos? vítima nia interese atu "bosok" mak saida? depois data alegasaun akontese, vítima halo esforsu balun atu proteje ninia an? vítima ko'alia sai ba belun balun?


Familia vítima hakarak dame-malu no di'ak liu ba EES atu taka kazu



Konsiliaun importante, maibé hanesan aspektu ida hosi reparasaun ba violasaun no la iha kbi'it atu taka kazu

Tuir prátika kulturál iha Timor-Leste, prosesu mediasaun bele ajuda hodi promove vítima bele kontinua ninia estudu/serbisu la hó trauma, moe ka perseguisaun. Maibé mediasaun la haree ba EES nia devér atu garante regulamentu internál sei kumpre. EES nafatin presiza konklui prosesu dixiplinár. Karik infratór rekoñese ninia sala, husu deskulpa no mós garante direitu vítima nian, la presiza aplika sansaun todan bainhira asédiu seksuál la grave ka sériu liu.

Ikus, EES konsidera la iha asédiu seksuál. Atu hamoos alegadu infratór nia naran, tenke halo kazu hasoru vítima



Hamoos alegadu infratór nia naran mak liuhosi desizaun konsidera nia la halo sala! La loos tenke halo kazu hasoru vítima

Hamoos alegadu infratór nia naran mak liuhosi prosesu dixiplinár ne'ebé formál no loos katak rezulta katak labele konsidera asédiu seksuál akontese. Traballadór no funsionáriu tenke prontu atu sai sujeitu ba prosesu dixiplinár tanba ne'e mak regra hosi serbisu.

